

北

游

錄

北游錄紀郵

鹽官談遼孺木著

蓋抵燕之明日為覽揆之辰時嚴寒中肺苦咳疾乘
旬而瘡目廢書久之迨改旦凍墨易融按歷詮過難
兀坐窮師不跡戶以外而衾影之愧有負舖暇日月
之逝徒竦河清每一興懷未嘗不黯然而自失也駒
隙如駛玄魚不休昔人云蒲柳之質望秋先零與其
零也不如縮而輯之故紀郵

甲午正月壬辰朔晴先是積雪道渟朱太史午出朝云
宴特甚乳茶炊食列般二十器同席四人三品上始觴

餘不及器也炊食係東製異于常蒸未刻日生左珥

於己晨入宣武門

元順承門俗日之

稍在天主堂訪西人湯道

末若望大西洋歐邏巴國人去中國二萬里萬曆戊午

航海至廣州其州載千人歷二年同輩十二人至者七

人從江浙入燕故相上海錢文定龍錫以治曆薦今湯

官太常寺卿領欽天監事勅封通元教師年六十有三

霜然拂頰先是萬曆辛巳歐邏巴國利瑪竇入中國始

到肇慶表貢耶穌像萬國圖日鳴鐘天琴等庚戌年勅

葬阜成門外二里其徒先後至嚴事天主築堂其製狹

長上如覆幔傍倚疏藻繪詭異供耶穌畫像望之如塑

右像聖母母治少子一兒耶穌也耶穌譯言救世者一

曰陟斯漢哀帝元壽二年庚申生如德亞國聖母瑪利

亞本王族童貞不嫁忽娠天主六十三卒後三日復甦

升天天主年三十三上升其教耶穌曰契利斯督法王

曰俾斯坡傳法者曰撒賁而驛德如利瑪奉教者曰契

利斯當祭陟斯以七日曰米撒其降生升天等日曰大

米撒瑪竇亡其友龐迪戎龍華氏輩代主其教今湯氏

尤見重登其樓閣半儀候鐘速鏡天琴之屬鐘儀俱銅

質速鏡以玻璃琴以鐵絲琴匣縱五尺衡一尺高九寸

中板隔之上列鐵絲四十五斜繫于左右柱又斜梁梁

下隱水籌數如弦綴板之下底列雁柱四十五手按之
音節如譜其書疊架陶紙精瑩劈鶴翎注墨橫書自左
而右漢人不能辨湯氏善飲吸頗厚目奉別而出壁示
今載春牛式幹以桑柘木縣治左門為承板又西至象
房舊象十有七新象三俱黎色象奴命之呈技隨命隨
穎無不各肖閭朝日立仗視秩料為差疾則代傷人則
仗或貶秩終不敢越位呂氏春秋曰之義者有鬣象之
約約即鼻也是日陰隲塗凍融腹化為版
甲子報謝諸客于微雪吾鄉計相昨貽單刺余亦如之
或議其非分余曰適之全非敢越也適同里陳木庵

本菴獨選未見前月明經三人赴銓探壽再得粵西其
季懼卻不能手太革命代壽又粵西也目歎功名之不
可強如此

乙未晴風甚有召箕者問吾家云平善

丙申閏金史竟

丁酉

戊戌館人言保定新安縣鮑魚蟹菱藕尤多水鳥市印
綠色

己酉亥

庚子偏讀朱子价曰潘山帶閣集其憶梅詩水夜鏡回

銷夜月雪香將不勝春風道家本行經云夜月能銷冰
時對冰月為錄其語

辛丑陰

壬寅家訊附陳木菴余少向平之輩而故園屢夢知五
岳未易裝也夜放火樹

癸卯始霜時重陰寒江雖晚霽而道淖禁足久矣日每
匿月每饒若相避也

甲辰晴

乙巳聞前門售龍象諸燈出巷以淖止而諸燈武進之
大內矣去秋八月官家命製螯山以期促不果

丙午寅刻雪霽止薄莫微雨聞元始竟

丁未晴 戊申陰 己酉 庚戌

辛亥始晚霽是夕聞客微烟火事所始按漢武帝祀太
乙自昏至明僧史謂西域臘月晦日名大神變燒燈表
佛漢明目之然臘月也梁簡文列燈賦陳後主燈詩未
詳其月日初唐始上元張燈睿宗景雲二年始連三夜
宋太祖乾德五年始增十七十八兩夜理宗淳祐三年
始十三日起 明初放燈十日

壬子晴夜夢亡友王介人論詩

癸丑出廣寧門俗彰儀門里許入天寧寺故闕趙連城

之壁嘗掌惜新司出曹化淳之門傳其服語舊事一二
不忍述寺塔高三三尋四圍綴屏萬計夜樓放光隋文
帝嘗過阿羅漢授舍利一畧万分致雍岐等三十州
各一塔幽州弘業寺其一也或後為大寧志輒之目塔
前一幢書法道古水樂閣修寺少師姚廣孝自慶壽寺
退居焉

甲寅過陳木菴

乙卯

丙辰仍游天寧寺寺左周垣似廢塲以問趙常侍云故
司禮蕭氏敬也敬事正嘉兩朝墓在弘化寺今廢又北

松林菴並啟立嘉靖 築外城四巷隔矣遂入禮拜
寺成化中賜額西域回回降人齊誦處記云尊天主教
孟信大啟邏巴之說有自來矣

丁巳始聞跡雁是日朱太史被命呈草書進一絕句五
雲迤接御炉烟天語傳呼試綵箋丹禁盤盃皆放勝猶
懷筆諫效前賢

戊午訪嘉興曹秋壑太僕及武康韋劍成人龍並不值
余今蠟螯以太僕語及故先之間劍威嘗謁 思陵欲
問程耳晚遇崇福寺故唐憫忠寺也太宗征高麗聚戰
骨于營州柳城更建寺薦福有憫忠閣 明宣德十年

改額崇福閣新修云觀音閣舊石刻二曰范陽郡憫忠
寺至德二載十一月十五日建大唐光天大聖文武孝
感皇帝敬元垢淨光寶塔頌范陽府功曹參軍兼節度
掌書記張不矜撰御史大夫史思明奉 承奉郎守經

略軍曹參軍蘇靈芝書又重藏舍利記景福元年十

二月十八日 街內殿講論無應制大德沙門南叙

述略曰隋文帝潛龍日有梵僧自印度至授舍利子一

瓶曰此釋迦佛遺形目檀越可為主暨登寶位開星至

仁壽二年壬戌正月勅天下大州一百處置舍利塔時

幽州節制寶 觀木塔五層飾以金碧二百三十三年

天火焚塔內實六月發其絨舍利光芒異采捧金函
于東門上獻黃金瓶如麩麥量內藏一粒仁壽舍利也
二粒在塔內又二粒在小金合子內又九十粒如銀
粟狀在琉璃瓶內玉環二髮七綜金桐棺槨異香釵釧
等今又有二粒舍利光彩甚瑩在銀結藤琉璃餅內即
故壇大德明鑒平昔隨身供奉臨終授弟子栢忍今
同收函內

己未大風

庚申曹太僕見枉語光朝事二則俄江南都司龍游表
之後至表善形容言于漂陽陳相國有孫黃之德故游

燕以武舉起家頗聞江南逆案之惜

辛酉晚陰是日聞平涼府志中丞趙時春作官師人物
備義刺藝文不載稱信史矣夜雪

二月壬戌朔陰光齋沐卜筮導于正陽門之闕廟日入

城東通玉河橋沿涯向北碧瓦朱門西歷鄧將軍廟臺

基廠昔經東長安門而回有監樞密其子者聞畿以南
屋帝封

流亡載道是日朱太史賜裘同弘文院侍讀學士孟津

陳煥侍講錢唐黃机國史院侍讀學士鉅鹿楊思聖

甲子晴

乙丑早霧同友人訪朱義儒于仁威觀及其師歸安陸

高瞻 夾道松柏亦百年物晚共雷常侍語常侍號飛
鳴 嘗預司禮監尚司房今馭錢相鄰訪以舊事不覺
泣下拭袂而別中夜微雨

丙寅午稍霽陸尚時未時選中翰陸選而不信

丁卯晴

戊辰入山川壇壇周垣六里東北門曰熒惑神祠祠前
夾隴柱望又垣截其南穿入通太常寺祠祭署西走數
百武南至齋宮周廡百六十楹其東西南門以內又周
廡若干楹設御座淺紫色丹其楹泥背以漆屏寢殿五
楹左右廂三之又東膳房而鐘鼓樓鑿駕庫公峙齋宮

之東西隔由齋宮西出則藉田所也設葦殿三楹連幕
十五楹蔭其田衛十步田東西各葺舍以列塲衛直北
更衣殿殿左旗纛廟右饗殿祀太歲風雲雷雨岳鎮海
濱東西二廡祀山川月將城隍之神正陛九出西南先
農壇壇北幕次及于神庖凡十竈夾以井西出宰牲所
二圓釜可受水數石馳道松柏挺蔚者二百五十餘年
太歲殿之東有大松偃而不拔搗以柱行人出其下時
且耕籍各役交鶩有汲者云崇禎十三年後絕綆矣
己巳仍通山川壇是日聞示內院以先朝朝祭服祀大
風且微雨

庚午陰閏謝在杭北河紀始得舊游之概是日寒

辛未晴

壬申

癸酉自正陽門東行觀太學石鼓在光師廟門內高二尺廣徑八餘分似鼓而項微圓其一如白周宣王之獵碣也初棄陳倉野中唐鄭餘慶徙鳳翔縣學而亡其一宋皇祐四年向傳師得之民間宋大觀二年徙京師國學金歆其字靖康二年金人輦至燕別其金置大興府學元大德十一年大都教授虞集移國學其篆福凡六百五十七言宋治平中存字四百六十五元至元中存

字三百八十六今存字三百二十五麻城別洞曰謂周
宣王之鼓韓愈張懷瓘寶鼎也謂文王之鼓至宣王刻
詩書應物也謂秦氏之文宋鄭樵也謂宣王而疑之歐
陽修也謂宣王而信之趙明誠也謂成王之鼓程琳董
道也謂字文周作者馬子泐也按金翰林學士莊平馬
定國子泐作石鼓辨萬餘言以字畫是字文周時所造
愚不解字學此朝綺靡以匹古詩安矣又劉侗曰今衡
陽縣合江亭石鼓書院有石鼓一焉其大履鐘其字尚
篆其文尚禮祀文也西出集賢門有元加封孔子碑又

明洪武二年學制碑云北平等處行中書省准中書

禮部咨呈云猶宋元式也內選民間子弟八才俊秀

年十五以上讀中庸論語四書元者方許入學教授一

員教禮教律教寫字訓導二員教學教射教數大成殿

彝倫堂俱元許魯齋先生植其地近安定門遂經鼓樓

樓較而石洞高築雄風四來稍北鐘樓其制其燬並如

之南直皇城之北安門為歲山自皇城轟然在望濯濯

也相傳金人以蒙古國土山有王氣鑿載其土抵幽州

積為山見樗齋客話愚未敢信金人都燕海陵王好土

木或其時加築也俗云煤山崇禎己巳冬京北某疏果

積煤也續考味之度萬寧橋橋西通積水潭為巨浸稍

南循北安門外向西日水關則積水潭導閘下入皇城
西苑為太液池跨覽潭影鳥鷺飛沈遠荷田田如聞香
氣尋出宣武門柳色淡黃終日走三十里足免副之夜
同胡伯高負飲又觴月頗酣

癸酉

甲戌胡伯高言往時崑山陳公虞懋德司理杭州嘗判
嫁二妓一不安其室一嫁蘇者許某貧甚隆冬不續
即漆布夾以絮故狎客携樽欲飲其家蘇者不敢拒頗
出曰妾在青樓豈何但備諸君雖備乞可接席也今為
良人嬾安得更見辱若此聞可瀆設携之貴閨亦何所

礎客慚而退陳司理秩滿遠去政倡未訟許氏嬖結裾
引刃期以必死諸生義而許其事得全惜其人微不傳
也許氏居碧蓮館前夜雨

乙亥晴

丙子望是日藉田往聖祐宮填闕不前夜夢李于鱗徐
子與吳明卿同旅舍莫雨共論正德以後卿輔于鱗問
明卿曰若頓攻林貞甫私事然渠能持正余曰其私事
有據否此公好名如撫四川值逆瑾敗補疏攻之是也
寤後漫記使鍾譚地下聞之又塙一白雪樓鈍賊矣
丁丑午訪浦江鄭維持 前識其人為義門之裔將

扣之云自宋元來同居十世 明高皇帝以龍鳳五年
下婺州李文忠再以聞 上手書孝義家而孝字上畫
墨淡曰江南風土薄惟願子孫賢遠免其徭後鄭洪
為內藏庫提點坐累法當籍 上曰此一人事無預舉
家洪同輩二十五人洪行十一伏法餘析二十五房始
異爨所居距縣城二十五里界紹興宋學士濂嘗館其
家去鄭氏三里偶得坎地得石刻云宋公園學士異之
因移家焉女字鄭秋今族籍千餘人迨 明末未嘗徭
也余曰聞 建文帝嘗匿鄭氏所詢乎曰相傳 建文
帝嘗來里人陳子七訴于官且言藏械七櫃而鄭氏七

權二藏書五藏祇有司按之再啟禮見書而止遂寓則
朱太史以曹太僕所藏賀監孝經序見示益構李項氏
物行草一幅並無識跋不知何以定為賀監也曹太僕
時東居得云太倉吳駿公欲枉我囑令先之

戊寅陰清明節

己卯晴訪吳駿公先生不值晡刻走西河堰書肆大不
如金陵蘇杭也是日間各內院俱携家內直

庚辰昧爽雨奪止

辛巳晴大風寒

壬午出左安門探葦公祠海棠自寓舍至其處可十二

里正德甲戌司禮太監韋竊預卜葬于十里河立弘善
寺賜額歸田二十頃贍僧故不廢佛殿後頻婆樹一大
合抱內祠影有海棠二各合抱歧幹叢條尚未落也自
甲戌來今百四十年木之壽有限似易于見長記南
都靜海寺海棠為水樂七年太監鄭和船上物大不及
此或曰梨樹接鐵梗海棠則成西府理或有之寺左即
竊墓內舍頽垣率木全廢又左英王墓朱門魚鱗道樹
五尺之棗坊以宋朝士俱下騎寺右太監魏紳墓萬曆
丁未紳主本殿庚戌主司禮碌碌苛謹同于竊而竊藉海
棠以著幸其餘墓並毀遂經金魚池在天壇北築隄雍

池綺疏朱戶漢丞相通太廟垣論死天壇何地等子濠
濮間齒路馬祕溫室者獨未之間乎同行范仲茂拉市
飲而反則吳駿公先生過不值

癸未

甲申仍訪吳太史語移時晚招飲以國權近本就正多
所裁訂各有闕相證也太史不善酒余頗酣

乙酉

丙戌陳木庵未知邑人王倪生至自江寧夜夢竄籍登
鄉薦被糾欲上書措大積習固不候盧生枕中也

丁亥陰適曹太僕借書出劉君愚酌中志三爰孫侍郎

北海承澤崇禎事蹟一哀酌中志舊嘗手錄今本加詳
蓋此闡絕編者屢矣前以問趙常侍云若愚風狂不足
信入宮之嫉也侍郎輯崇禎事若干卷不輕示人又著
春明夢餘錄若干卷並秘之遂訪王倪生不值已吳太
史東及近事隨谷之莫爾

戊子 己丑 庚寅

三月辛卯朔大慈仁寺俗時教伽藍殿海棠二株並昇

祠理姿猗那貴人方席其下亞去之頗似漢武帝帷中
見孝夫人也

壬辰午過吳太史饋近詩其蕭史有門曲日蕭史有門

望明月碧鸞尾掃銀河潤好時池臺白草荒扶風郊舍

黃塵沒雷平故后嬖奸家槐市無人噪晚鴉卻憶沁園

公主第春鶯啼趁上陽花嗚呼 先皇寡兄弟天家貴

主稱同氣奉卑都尉誰最賢輩公才地如王濟被服依

然儒者風讀書抄得公御譽大內傾宮嫁樂安 光宗

少女宜加意正值官家從代末王姬禮數從優異先是

朝廷放未央天人寧德降劉郎道路爭傳長公主夫婿

豪華勢莫當百兩車未瑱紫陌千金極送出彫房紅窗

小阮胡鸚鵡翠管繁等叫鳳凰白首傳緜阿母飾綠構

大衫騎奴裝灼灼天桃共穠李兩家姊妹騎紉綺九子

鶯雛鬥玉釵，釵工百萬恣未取。屋裡黃燧滷，若聖門前
細數流如水。外家肺腑初專親，神廟榮昌主尚存。詰
到孝純能識面，抱未太子輒呼名。六宮都講家人禮，
四節頻加戚里恩。同謝龍脂龍德殿，共乘油壁月華門。
萬事豪華有消歇，樂安一病音容沒。菟萸桃笙朝露空，
溫明祕器空堂設。玉房玲瓏宮中賜，道言上獻依常制。
卻添跼馬不勝情，至尊覽表為流涕。金丹珠衣進太妃，
鏡奩綉合逐大婿。此時同座更無人，寧德未朝笑語真。
爰及四方宵旰甚，自家兄妹話艱辛。明年銖騎燒宮闕，
君后倉皇相訣絕。仙人樓上看灰飛，織女橋邊聽流血。

慷慨難從輩公死亂離怕與劉郎別扶携大娘出兵間
改朔移朝至今活粉碓脂田縣吏收粧樓舞閣家奪
曹見天家羨壁人今朝破帽迎風雪賣珠易米反柴門
貴主淒涼向誰說苦憶先皇涕泪連長干嬌小最堪憐
青萍血碧他生果紫玉魂歸異代緣盡歎周郎曹入選
俄驚秦女再登仙青青寒食東風柳影義門邊冷墓田
昨夜西窗仍夢見樂安小姪重惟宴·先后傳呼捲
簾貴妃笑折櫻桃倦玉階冷出宮門御溝春水浮花
片花落回頭往事非更殘燈炮泪沾衣休言傳粉何平
叔莫見焚香衛少兒何處笙歌臨大道誰家陵墓對斜

睇只看天上瓊樓夜鳥鵲年年他日飛

癸巳陰嘗太僕未語久之許借王元之小畜集頌

玉山倡和集

甲午

乙未莫雨飲甜酒蒸羊酥為之積水味冲冷飲頗不羶
又酥餅堅如石氣稍羶可經數年耐飢渴東人珍之並

內賜也

丙申晴

丁酉陰大風武康韋劍威未晚啖龍鬚羊肚二菜龍鬚
出天壇細短如翠甲申肩友携濮州羊肚菜形味並切

類今全不之似何也

戊戌風甚

己亥晴 庚子

辛丑吳太史示流寇輯略後閱陳百史石雲居集雖在
壬子而右晉江昆陵亦近作匠心者

壬寅

癸卯石雲居集閱竟是日聞陳百史未命存則人亡則
書豈是之謂也

甲辰大風驟

乙巳陰早至宣武門直舍蓋澤陽之杜郵也失導而反

午復觀大慈仁寺海棠徙倚少刻雨然遂我矣

丙午晴

丁未過曹太僕所目云收宋諸家集百二十餘種

戊申過吳太史值金壇王有三選部重追語江左舊事
不勝道恨

己酉吳日立夏過陳木菴所

庚戌 辛亥

壬子會陸尚疇云浙西斗米三錢頗憂內顧

癸丑晴刻或拉以市飲頗醉

甲寅陰

乙卯大風

丙辰晴仍風霾

丁巳

戊午是日都人聚禱東岳廟在東便門外梨園各列幟
以赴之士女填道余不能從也間乘輿雜出時未之辨

東岳廟帝像相傳元祐
文錄學士黃汝欽元述

己未

四月庚申朔往東嶽廟將至而行人疾奔遂中反是日

倪生來不值

辛酉適王倪生所亦不值

壬戌大風

癸亥過曹太僕所太僕榘論明詩推李空同為杜陵的
派且詩之有何李如禪家南北之宗宗李氏如孫宜之
可孟望之洋鄭善夫 輩宗何氏如薛君采蕙高蘇門
叔羽徐迪功禎卿輩尤彰彰者也于鱗元吳禎習毅陳
終不遠空同云

甲子晚步菜市看芍藥不值

乙丑

丙寅過陳木菴時木菴兄澹如及愈公調以部試至得
張元咭書知吳若谷太史沈滄嶼太常獲邱園之賞先

是正月余東太史亦反此事

丁卯晨聞戲勝吾鄉云炎山看火也已訪俞公調陳澹
如備悉鄉曲之蹟遂過吳太史劇論二十刻因出其詩
文四表讀一二篇其勢如錢塘八月潮日携歸燭未跋
而亮是日佛成道之辰郡人煮豆任人掬焉云結緣余
乍值之不覺也計陳素菴計相孝廉時云嘗四月八日
游西山猶有前元鈞軒之風道列淫肆值一矮僧戲施
錢若干三施三入肆復施之辭力不任矣時以為咲語
在崇禎己亥夏并附識之

戊辰夜大雷雨

己巳

庚午連雨後晚飲葡萄架下頗醉

辛未晴同友人觀劇是日不勝杯酌

壬申飲葡萄架下對月

癸酉邑人居直升欵未郵家報及張書來錢紫一趙介眉手札

甲戌有自杭來者云仁和叔獄不即得午步大慈仁寺晚又飲葡萄下

乙亥晨雨

丙子陳澹如兄弟來

丁丑通王侃生已授長蘆鹽運司知事飯我星日吳太
史借舊邸報若干遞閱志携以誅
戎寅辰抄邸焚如亂絲略次第之
己卯同館沈叔明連製馬附家報

庚辰 辛巳

壬午仁和卑太史桑拍飲不赴莫大雷雨

癸未陰晚霽陪浦江張月征以道飲登露臺西山浮青
如寸黛為之霑醉

甲申

乙酉進賢陳旭生啟東晨訪午後報卓太史不值會章

劍威語久之遂道吳駿公太史極論舊事且述辛未南
宮放榜之前夕夢坐一大公署最宏麗徐九一夏彝仲
携樽傾倒送之儀門回顧門封曰詹事府入出門屏堵
上大書曹勳字往二尺果冠南宮而體羸常懼義馭之
促叨一第年二十三意歷詹事不越二十年未嘗躡進
及甲申夏家名謂且詹事我也果如之人生進止點有
權衡豈非天哉是日大學士張中柱端卒年三十有六
七子時座客目其終末云渠父尚書忻吏離床旣間詎
以已得孫令溘焉朝露并無期功之戚向疏素入相始
董臨純題二詩如偈有客歎曰深陽千磨百鍊而不死

死之以多弦中柱平生無一皺眉事朝礼夕傾事何可
料也

丙戌訪陳旭生于米市

丁亥夜同義烏丁天心世勳飲丁冒滿州計姓壬辰捷

南宮除名

戊子早過吳太史多異聞別有紀

己丑

五月庚寅朔過王侃生于市見桑椹念吾鄉桑條早成
矣安得椹齒豈涿州樓桑遺物耶

辛卯熱 壬辰

癸巳俞公調來約明午小飯晚同諸客饌啖文官果即
檳榔也剖肉旋如螺寔初成甘香久則微苦昔唐德宗
幸奉天氏獻芝果遂官其人故名亦曰馬金囊

甲子早微雨度不能赴俞公調之約俄雲翳解馭即過
之同陳澹如木菴薄醉游靈祐宮欲雨亟別抵寓雨大
至

乙未晴

丙申訪膠州紀春曉勝蚊蓋故交也甲申任南京戶部
主事與高相國有聯相款洽己酉六月別於錢塘今除
光祿寺良醞署正聞其至幸甚相見勞苦知高相國已

葬二孫能自力勝疲師自新者良足慰也光祿清約不
敵一首猶起自收籍疇為堪之

丁酉早過吳太史每一論文聲數百言下上今昔不
誤捉塵也予同友人入湯道未園中方池通銅窰于井
井上轉鉄輪則池水噴注如勺突至四五尺石榴本大
子拱有古致友人拉市飲頗醉晚寄膠州高公子書
戊戌陰身觸寒不快

己亥晴過俞公調閩友人安義令徐公偉坐累

庚子莫雨徹夜北人方刈麥苦之夏至後五日立雲南
方器服俱蒸潤改色北方則否今燕中略似之

辛丑晴

壬寅晨旭見俄雨

癸卯

甲辰陳澹如來別時體小劇踰旬不御酒

乙巳

丙午過陳澹如附家報莫雨

丁未連雨大無麥

戊申晴 巳酉陰

庚戌晴莫大雨

辛亥 壬子晴

癸丑陰暈曹太僕值汪爾陶捉同飯莫雨

甲寅晴 乙卯莫雨 丙辰夜為甚

丁巳晴 戊午

六月己未朔夜大風雷雨

庚申陰是日浴象宣武門外導以鼓幟餘日竟一浴
身自始見蝎苦熱

壬戌薄莫曹太僕于廳事勉攝衣冠揖之汗雨下固知

野性

癸亥

甲子始啖銀桃味香脆喻于常云出安肅按一統志上

林苑出金桃玉桃今郡人大桃僅以銀稱或即其種味
所出耶

乙丑貸盾直升十金先是直升道叔也

丙寅夜熱甚時謂去冬之寒今之熱前未有也

丁卯又作家報寄俞公謂所遠過吳太史晡刻暴雨詰
朝不止

戊辰午霽莫聞邸報寇及海鹽之激浦念桑梓夕不能
寐

己巳晴 庚午莫雨 辛未晴夜又雷雨

壬申晡刻雨連日 癸酉晚涼甚

甲戌陰是日府中宮闈宴漢官二百餘員總五席

乙亥早雨而霽

丙子晴訪司城宋侯伯時英吾杭人也始任見枉

丁丑夜雨 戊寅晴仍熱 己卯 庚辰

辛巳晨通朱義儒于仁威觀以尚寢去之苦熱也屢聞

江南旱又多警累旬不快

壬午東安尉言某偶至云邑被水日刑部尚書巴哈納禮

部左侍郎呂崇烈奉賑使從滿洲大人二譯字生四通

事二餘又百餘騎四日費三百金有奇飢民萬五千人

各給錢三百五十年七十以上加布一尺計布二千疋

須千金鄉人未候三四日多道死且給不償費具文塞責類如此至縣官苦供億又無論矣余聞而惻然是日

丙

癸未 甲申

乙酉 晴刻大雨

丙戌 陰司禳觀劇以朱太孺人生辰也晚飲葡萄下余有殷憂之疾先卧

丁亥 晴莫大雨

七月 戊子 朔晴

己丑 有以玄玉鏡信朱太史者徑九寸厚七分漆光善

鑑按黑玉曰璘未盡鏡也是日飲天監博士嘉興朱辰伯廷樞伴使琉球命下三日遽行不友別家人其子在太史所聞之惋歎夜大雨

庚寅午又雨是日朱太史晉內翰林弘文院侍讀學士辛卯晴

壬辰觀西河堰書肆值杭人周清源云虞德園先生門人也嘗撫西湖小祝噫施耐菴豈足法哉遂過吳太史方抱疾

癸巳莫同張月征飲屬醉

甲午通陳本菴所問其注選未及也

乙未陰

丙申晴過紀光祿所門阮蕭瑟有陸沈金馬之歎莫又

雨

丁酉霽

戊戌夜月有佳致

己亥

庚子或言蔡人質趙承旨所書蘭亭序并畫聖往昧之
贗本也發然而反

辛丑陰

壬寅是日中元節燕人多蒸祭車馬踵屬夕不月中夜

大雨

癸卯陰

甲辰晴

乙巳候吳太史其鄉人周子儼肇至燕訪之太史強起
語移時日借其錢牧齋所造明詩

丙午聞吾鄉耆貢甚為之愕然求鄉人訪之不值

丁未陰適陳木菴居夏升夏升云六月初斗未三錢今
當溢矣

戊申

己酉晴午過吳太史周子儼所太史疾少間云光朝節
慎庫內圖書俱宋宣和物金人入汴歸于燕元仍之

明初徐中山下燕封府庫圖書甲申之變存賊遁都人
清宮同年孫北海身入大內見封識猶中山時也今散

佚無一存向分賜諸臣書畫北海得大觀殿法帖宋高
宗所賜喻樗者多腫王松蹟又存賊焚六科廊向光朝
之疏抄盡矣又云歐陽永叔五代史頗畧宋太宗勅修
卹府元龜五代事雜見如粟之可補永叔之闕

庚戌 辛亥 壬子 莫爾

癸丑陰間鄉警憂之

甲寅午訪曹太僕以商耗不之值倉頭云流聞未足據
也過紀九種得據城丁野鷗雜元詞二劇為鼓掌又詩
若干首齒牙流利或不免僮父耳晚同張月征飲葡萄
下喚西洋餅蓋湯太常餉未太史者其製茶麪和以雞

泚丸而鐵板穴之薄如楮大如碗說為殊味月征携四
教以示寫畧夜微雨

乙卯晴

丙辰早雨俄霽通兵太史所語二十刻別有紀

丁巳晴

八月戊午朔雞再號御重裘趨宣武門待啟映糜二器
直走中達以及德勝門出五里土城相傳古薊門遺址
亦曰薊邱非薊州也稍北土城灣十二里清河橋清河
源昌平之一畝萊經燕丹村東南合溫榆河而來橋勒
石半毀其勢闊壯里許則清河集殆三四百家又里許

石橋如南勒石曰朝宗橋下游鯨可鑑二十里回龍觀
七里半壁店四里滴井，瀉水高於地巨柳二蔭以祠
又 里安激橋跨沙河里許葦華城沙河行宮在焉
先朝謁陵所駐蹕也規制如大內有分守公署成舍城
西居人數百家長楊五柞甘泉翠微日昔離宮多矣未
始城也今丹樓如霞重關如甍徒栖鳥早莫日暑暘且
无壘雖對遠山心目為開而疲極逐策蹇少頃西山雲
如墨且雷聲隆，遠人曰向南向矣幸自外也十里德
陵果園各陵並有園樹桃李等殷薦以寺人頌之五里
白浮山上有二龍潭浮出白浮村至青龍橋袤五十餘

里度山下由所鑿往而行人難之指東曰龍山向日鳳
凰山似失寶五里演武場入昌平之南門宿于逆旅會
雨作有電如案俄止立舍外北望翠微千重駭曰城中
安得有此土人曰此即大壽諸山也貰升酒自勞後頻
酣中宵遙徹月喜詰朝成游矣

己未霽款覓驢陵游逆旅問誰為陵者曰銀泉山蓋往
間先帝葬銀泉也逆旅曰道近甚何驢為嘖起而行憊
樓甯城中榜曰咫尺五雲希勝概也西經故都督孫祖
壽少保坊出西門經朝宗坊沿道徑沙城；有聲嶺山
折而北望石坊橫空又望丹闕金碧意為仁門也將趨

之途人曰如往銀泉山也者西可往也遂西向久之度
可方七里問程馬曰未已也悔為逆旅所賣野黍多刈
蒼表作死如雪果園接趾少垂寔者屢迷屢問徧從一
梓人漸及西紅門有老闍策杖而下梓人指曰此守恩
陵許公也杖者問余何往曰銀泉山曰銀泉山蕪甚何
往也余不解其意別四前自西紅門數百武黃屋在望
甚儉稍西北丹楹碧瓦松楸沈沈也余越黃屋而過之
問梓人此何所也曰紫楨皇帝葬處余愕然仰視黃
屋之額果思陵也亟反步披莽棘抵周垣之南垣博
六十步中門丈有二尺左右各戶而踰其右為雪涕中

階下念重趺至此咫尺不及詳五步之內豈吾固有所
恨耶仍雪涕叩而退垣左繞二松其西南三十步有短
垣樹方石碑就視之故司禮秉筆太監王承恩塚也順
治二年四月勅立取故道而下稍憩一卷則許氏闈道
在焉述其故許氏曰吾前知足下意乃云銀泉山何也
銀泉山葬 神廟貴妃鄭氏及皇貴妃李氏順妃李氏
昭妃劉氏非遺韓也 思陵本故田貴妃園李賊委
先帝后梓宮于昌平城外于是吏民悲泣醜葬于此順
治二年始春秋祭年豕凡十三陵而 定陵不與焉各
陵祭田六頃奉祀太監二人陵戶八人順治六年截止

田一項收纔十緡以祭不賄訴之州大夫大夫曰雖不
祭七害吾曹懼違清朝之令德于是清明霜降二節具
羊豕合祭于紅門外正旦元夕七月望冬節各素祭薦
酒一卮望朔二十錢燃寸燭獻茶三甌崇禎家老奴不
過如此余聽之泣下許又曰吾乾清宮直煖殿令守
思陵闌寂不可堪西北松楸沈沈者世廟訪妃園也
吾寓馬先生少林令陵戶以門牡至恭謁思陵行不
孤矣余起謝往鉄於思陵門外七何陵戶啟鑰垣以
內左右燕三楹饗殿南向三楹常不三丈丹案二奉
明懷宗端皇帝神位屏拜記楯壁向北又垣其門左右

唐如前中為碑亭云 懷宗端皇帝陵篆首大明辰拜
訖出進北垣除地五丈則石坎淺五寸方數尺焚帛處
坎此炉瓶五事并琢以石稍進五尺橫石几盤果五之
俱石也蜺龍之藏涌土約三四尺茅塞榛荒酸棗數本
即求啼鳥之樹泣鵲之枝而無從也生為萬乘歿為游
魂又辰拜泣不自禁矣出饗殿許氏至更述 先帝臨
變所以命東宮公主者惜甚其畧也司禮王德化釀亂
盪盪先帝及事棘 先帝罷德化改王之心掌篆末以
東宮屬嘉定伯永王屬 定王屬之心諭逃民間爾
毋狂故能凡外人年長者死事之庶可免也之心昧私

舍以委蒼頭某邊自經蒼頭某獻之賊吾嘗入皇城有
三十騎拔刀脅太子二王而出辟易側立太子涕下吾
亦涕下太子手一黃表忍道地命捨之對以未敢賊騎
罵曰尔内臣何不為効力乃曰惟將軍之命捨上太子
不知所畏何物也在乾清宮久雅習太子是冬京師未
太子偽也吾次年始守陵聞以發陵事曰在陵亡恙獨
銀泉山去此尚三里四妃園盜掘捕誅之梟于昌平之
熊樓腦傳紅門亦清朝之德也陵木伐盡享殿不閉綺
疏藻井百不一全漫勃接于几筵廢興天也吾曹豈知
有今日哉余聽之惟泣下抗手而別臥故道反先後三

十里始晡倦卧逆旅中移刻起問狄梁公仁傑劉諫議
黃二祠逆旅曰并在舊縣雖西門八里狄祠多古槐云
手植歲四月朔致祭商偵輻輳今祭而不市矣改昌平
置縣自唐五代後唐改縣燕平石晉仍昌平遼金元明
目之正統己巳移縣於今永安城正德丙寅進為州初
薊州昌平今一鎮嘉靖三年始分為二設提督都督總
兵官一員護防守邊關遂為昌鎮又往聞昌平人趙一
桂考州吏目倡義開田貴妃塚附 先帝后梓宮吏民
醵助費百餘緡今一桂任泰安州吏目是日失記趙一
桂以舊縣足散止吳駿公太史銀泉山詩銀泉山下行

人稀青楓月落虫燈微道旁翁仲忽聞語火入空焚燒
寶衣五陵小兒看狐兔夜穴紅墻縣官捕玉梳珠襦散
草間云是先朝鄭妃墓覆兩番雲四十年穿房共葦承
懸顧禮數由來母后殊至尊錯把旁人怒承直中宮侍
宴迴血裏銀珠不知數豈有言辭忤大家蛾眉薄命將
身誤宮人斜畔伯勞啼聲、為怨驪姬訴盡道昭儀殉
夜臺萬歲千秋共朝暮官車一去不相隨當時枉信南
山綱只今嚙母似平生皓齒明眸問誰妒選侍困陵事
已荒移宮事蹟更茫、兩朝臺諫孤忠在一月昭陽舊
恨長總為是非留信史却悔懸籠異前王路人尚說東

西李二李嶽圍指點飛花入壞墻

庚申晨起策蹇而南薤露未晞流光乍沐眉睫之間蒼
鬢薦爽自昌平距都城七十里諸山北抱垂引而東勢
極雄宕黃河帶其南限以大海風氣開拓故金元俱百
年外 明興二百四十年隋杭汴金陵多矣至清河舍
蹇而徒記銍石橋昌平城南一沙河南三清河南一俱
堽道中二里半一烽燧舊莫抵寫自甲申來誓一謁思
陵而 長陵尚隔渾河紅門在河之南距 長陵二十
里列翁仲石獸各陵俱不設河之南殤王故妃所埋玉
也 長陵最雄一叩而虞煇于師不敢留

辛酉陰午微雨

壬戌晴 癸亥 甲子陰

乙丑早入宣武門沿皇城至于鼓樓款窮積水潭之勝
非其地也日東出至文信公廟又西至朝天宮入妙覺
寺登白塔遶壽昌二年建貯舍利戒珠二十粒元世祖
至元八年發視果不妄日加飾焉 明天順元年賜今
額茂化初于塔作燈籠一百八座東望宮闕燁如也出
景德樹則歷代帝王廟不得入

丙寅

丁卯遇曹欽整太常時提督四譯館初駕議東巡都人

吳 善象筭言帝星不動駕必不出果驗太常故識
其人日問之太常曰政明之疇官也遭亂棄去性質直
非平交不至今又言文星不耀且難星相距尺許主此
場有議論如犯之急公聞將不免也太常又曰往年大
同楊某善幻術能移几入於壁又於壁出魚羊馬嘗東
井投器具出以四井又膠州李山人能道人陰事嘗從
坐忽云某衣色衣行至矣至則首語云已俱驗焉
其人狡獪難近少不當其意輒播其所私前歲去矣又
曰吾購書五十種可堪訂五代史宋文鑑於南渡頗略
擬補南宋文鑑并快事也

戊辰陰午微雨

己巳晴

庚午訪真定何生云是月朔真定大水

辛未

壬申中秋節夕微雨飲後就寢月如常

癸酉附居置升家報午過吳太史則周子淑畢棘事同

語移時

甲戌午出右安門度石橋稻田菜畦大似江南西二里
故祖都督大壽園池柳臺館掩映離落亦城南杜曲矣
又西里許中頂華濟宮祀碧霞元君氣象鉅麗其東南

別殿外池可百餘畝方垣隔河也莫雨

乙亥同朱義儒展出西便門而北過夕月壇出禮神街

為阜成門外俗則門面迤八里莊一大聚落也法藏

摩訶大衆諸菴并列涓潔大慈寧寺萬曆 慈聖皇太

后建內永安壽塔十三級做天寧寺寧安閣額太后手

書俗道商家莊而北迷徑竟西走平原燒礮可十里黃

村則保明寺正統己巳 上出紫荆關凡呂氏當駕諫

北征不聽命垂之邊坐逝及乘輿蒙塵彷彿神護 英

宗念之復辟封玉妹立寺俗稱皇姑寺黃屋朱虎今地

甚南望有山橫卧不兩屬聞甃山土漬童童無草木山

下數十武元丞相律焚材墓距阜或門二十意近之
窮西徑北轉天仙廟山若轉迢雖荒麓廢煙離、在目
而意所亟者香山碧雲也久之徑揚司禮顯名墓周垣
堅廣俄失道問慈仁寺養僧導以徑過佛光寺問白松
二頻巨而日在崦嵫踉蹌問途至碧雲寺其孔道居民
數百家松迤迤蘆石梁當門澗聲瀟、出版下左由修
廡列柿成行其齊衆、僧導我藏經閣禮佛訖館于左
廂市沽一升佐以佛蔬吸而甘之僧問所繇則我南陸
也南陸紆遠或北道淖則出之今無所指南宜其祖足
也始在道謂西北翠蔚者遠甚安得遠相及以苦我今

身在翠蔚中矣。竭麓六十里，所謂有志者事竟成也。中
夜夢回，不能寐，見窓月皎甚，起步閣前，澄光洞徹，花影
重，壑外犬吠聲如豹，山空原靜，一片摩尼寶色也。坐
移時又寢。

丙子晨步寺門之梁山澗，聲怒甚，左廡砌下刻石深三
寸，過相屬以引泉，滴不絕，似壑隨天竺山中竹溜也。
遂登藏經閣，當山之坳，翠落兩腋，身轉東北，其園卓錫
泉，自石罅龍吻出，下注飛濤，監軍御史吳阿衡題曰龍
湫閣。永陵曹臥泉，鉢丹中堂，藝竹俗曰黃金閭，碧玉
火，僅如指北土，固在乎見少也。南亭之塔，鑄二石秤。

旁有刊詩草書又银杏樹一其大甲子西山右藏花洞
以石室備冬者出國問司禮于徑墓徑王德閻大端預
治葬立寺賜勅土木極一時善邀宸幸至今門闕代祀
焉凡賜祠有五多附塚而魏忠賢犯殊死不餘寸骨見
其墓駭之傳曰忠賢名下蘇應宣嘗被掠于建州從清
人入燕立忠賢虛墓并前祠而六之故獨不額遂禮大
殿其前方池梁馬朱魚陸呷云 神宗陵回張愷飯其
上不異濠濮也學飯訖東趨卧佛寺從問道鍾弘化寺
且廢又惠安伯張 墓可五里則壽安寺塔當其門落
葉傾廈蕭颯不堪大殿娑羅樹二一圍三人有餘次餘

二人餘後殿卧佛支頤修丈餘金漆甚古係唐製宣德
間濟舟大師修之火師房山人王姓禹曆內成重修有
御製碑 神祖幸寺出錦衾覆佛像將一癸長安客話
曰寺亦襄陽門西有石盤方廣數丈高亦稱是無纖毫
剝缺上創觀音堂前餘石丈許周以欄楯金華不及詳
奈何遂午飯直寺西南曰香山出遇惠安伯張 司禮
大監王之心等墓可三里則香山永安寺流泉在門折
上藏經閣未有軒，前峭爽疊嶂左右僧指前山之巔
故金章宗祭星臺也其西山有護駕松今不存僅見其
一軒額楹帖并 神宗手書以望都城隍，賦，也出

歷級登無量殿通張司禮李司禮二墓張墓門白松扶
疎可愛又弘光寺大監鄭同立同朝鮮人回使令國成
化閭卒佛閣八觚云東國之制取道而下可十折樹緣
徑轉清陰茂密忘其羊腸詰曲也歸益自喜目且詛吾
吾足矣是夜月如昨亦中宿起步老杜云秋月解傷神
各目其情未敢概以為例

丁丑晨飯別山僧東出就北道先朝諸王公主殤絕者
葬葬金山碧殿道接化為榛莽瓦礫者過辛井不及
問行八里曰二聖菴北景皇帝陵閩陵前坎隘樹
多白楊菴嘗飯千人道釜可徵也目寄徑於玉泉山：

巔故金章宗行宮芙蓉殿故址有呂公巖七真洞諸勝
西湖在山下有 明武宗釣臺碧雲傳語我可善游也
而所寄徑直東行當山之伏歇迴足西南仍有難色遂
堯赴大功德寺舊名護聖寺金時建宣德二年改今名
雪峰大師製木毬使者募建毬大如斗添繪五色四金
剛像不脛而走寺最鉅麗嘉靖中 世廟謁景陵以金
山口道隘鏡濶數十丈時謂功德寺開口不利及駕至
周行廊廡見金剛像猙獰可怖責寺僧殿制不法撤去
之寺遂廢僅蒼柏兩行亡恙古松盤屈蓋塞外別種可
三四十株後殿供奉木毬于佛前手舉之重可五六十斤

采如新宣皇帝賜大師詩當年天下選高僧獨取尊師
第一名五鳳樓前諱玉偈金鑿殿上講金經詞言液
如鷲子法語滔々似馬鳴大闡宗風扶末運清名萬古
上傳燈雪峰有金雪集行世一曰教卷又園陵自景
帝外懷猷悼恭哀冲莊敬憲懷猷懷悼懷故太子七衛
許忻申蔚岳景穎戚蔚均外闕懷悼故王十七殤主二
二十六 仁廟妃三 宣廟妃一 英廟妃 憲廟
妃十二按史皆葬金山與景陵相屬凡五十三國望之
色餘寺南間通河自西湖來滎流屈注度板橋菰蒲依
依航程極目阡陌縱橫或刈或鎔其遠於河則溝之古

八尺曰溝洫哉行五里河益遠則永濟又若千里土亢
則稷菽矣通洪慈宮南折為武定候郭 墓佳城依巖
通萬壽延慶二寺稍東故萬駟馬白石莊柳數株臨渠
不減張緒當年趁阜成門慨曰平則門薄莫遠却噫茲一
游也無導無徵在心者不必目在目者不必足往之日
風甚會雨後故塵不揚直走而西必盧師平坡二山也
訂疑補略或誤異日

戊寅晚過吳氏值趙陳二姬云能歌舞其弄筆真秦聲
也

已卯夜大風

庚辰 辛巳 壬午

癸未午入宣武門二里通刑部街內都城隍廟光朝市
實所湊集也聞之都城隍神于譙果否南入鷲峰寺唐
貞觀舊刹成化間重建寺湫隘而旃檀瑞像特古成都
釋紹乾記曰釋迦牟尼佛周昭王二十四年甲寅生穆
王五十三年壬申入滅佛教道後嘗升恒利焉母氏說
法數月未遂時填王久潤略依乃刻旃檀佛像聖表目
睫連處有缺謬以神力攝三十二匠升天諦觀相好三
返乃得其說既成王及國人若與神對及佛復降人間
王十年臣度往迎其像升空謁佛為磨頂記曰我滅

度千年後爾往震旦國大興佛化佛滅千二百八十餘
年始自西域東至涼州十四年至長安一十七年至江
左百七十三年至淮南三百一十七年復至江南二十
一年北至汴京百七十六年自宋高宗紹興九年辛亥
金太宗迎至燕京建水陸會安置于閔忠寺十二年是
年熙宗于上京建大儲慶寺奉迎于積慶閣中二十年
海陵王復迎遂燕宮內殿居五十四年元丁丑歲三月
會內殿災尚書石林公往迎聖安寺十九年至元世祖
至元十九年乙亥遣大臣孛羅等備法駕香伎奉迎為
壽仁智殿居十五年丁丑建大聖萬安寺二十六年己

丑自仁智殿奉迎于寺之後殿百四十餘年自迎于
慶壽寺至嘉靖十七年居百二十餘年自寺回祿表闕
于上奉迎于鷲峰寺自填王造像於周穆王十二年辛
卯至明萬曆丁酉凡二千五百八十餘年云按陶
宗儀輟耕錄言端像靈異故老相傳其像四體無所倚
着人居名有道則至其國、初尚可通一綫今則不然矣
元學士程鉅夫端像碑云計自優填王造像至今延祐
丙辰凡二千二百有七年又釋氏咸通錄梁武帝遣郝
騫等往天竺迎旃檀佛其王模刻一像付騫天監十年
至建康迎奉太極殿則今鷲峰所安之像優填王之所

刻與天竺之模刻異未可臆辨也像本旃檀香木脩七尺餘寒暑展昏不一色大抵近沈碧萬曆中慈聖皇太后金飾之衣折作出水紋手一持一垂面目端雅修上而銳下為西域像教之始又石座作如來卧像西山壽安寺像側卧此安枕正卧左手支頤備衾憐焉

甲申午刻道吳太史所則周子儼落第頌為不悻

乙酉閏高粱橋之勝晨粥訖即趨宣武門直走宣武街北闕將軍廟有元泰定元年甲子太歲五月立碑首曰

勅封齊天護國大將軍檢校尚書守管淮南節度使兼

山東河北四門關鎮都拍討使兼提督朔天下諸宮神然

無地分筵按官中書門下平章政事開府儀同三司光祿大夫駕前都統制無任候壯穆義勇武安英濟王崇寧護國真君今人但知義勇武安王未知其金御也將軍臨壯繆與穆同今直曰壯穆非矣稍左若干武真武廟故鴻臚殿人所築跡者塞其前從右入殿後墜石懸洞昂伏踈樹離立頭有致使竹木蒙密亦勝地也廟祝云國初朝鮮獻閩人後位太監立廟意其人鄭同也過太平倉廢甚即正德時鎮國公府西官廳也北入大隆善報國寺元崇國寺宣德間重建改今名而人猶舊稱正德七年太監谷大用張雄奉勅修門殿併麓時西

僧大慶法王頌占班丹大覺法王看靈藏卜總願僧衆

有碑列西僧職名御製寺記碑二漢書嘉靖間太廟

撤姚廣孝備享移今寺僧錄司後主題推忠報國協謀

宣力文臣特進榮祿大夫上柱國榮國公姚廣孝廣孝

葬房山縣東北四十里曰聖岡塔遺像精峭面滿月目

炯、露頂袈裟趺坐今間祠安在僧曰祠三楹歲四祭

今夷為馬廐矣自直西直門稱北高粱橋水鍾西山來

從橋流入北水門周廣數里曰積水潭多植蓮有蓮花

菴淨業寺最勝後流入西苑南出玉河橋宋太宗伐遼

與遼將耶律沙等戰于高粱河即此橋直西城隅之角

樓河廣可二丈沿隈而西曰海潮菴夾池高樹蔭不足
稱也又西故外戚鄭氏莊今為都魯王墓垣屋如故又
西二墓為都魯王子某孫某各立冢下馬南望二里故
外戚太康伯張氏莊荒臺彷彿可念也又西壁通觀白
楊二其側大真覺寺永樂甲子遣太監候顯迎西域梵
僧板的達大國師白對武英殿稱旨貢佛像及金剛寶
座之式於是立寺作法身寶座成化癸巳太監錢義重
修寶座壘石高數丈方各七丈鑄佛像六層其前洞門
捌辟躡殿而上階登平迥五佛分五塔如其方金碧晃
耀中塔鑄佛足二門其前遠眺為快御碑云佛寂滅雙

林鳴立金剛寶座植菩提樹二今丈尺規制視中印度

之寶座無以異也按西域記拘尸那揭羅國中印娑羅

林精舍有塔是金剛神躡地處次塔是停棺七日處次

塔是阿沆樓院上天告世一降哭處次塔是佛涅槃盤

那處次塔是佛為大迦葉波現雙足處古槐二門直

覺寺古松二而燕寺多寓氏頗令人短氣又白石橋又西普

西故州島為碑之白石莊花樹甚存前為白石閣距

而直門七里稍內為壽寺望之鉅麗有山亭 神宗所

臨御也大鐘徑丈二刻佛號弥陀院法華諸品沈度書少

師姚廣孝監造余意倦而反有茂林在海潮菴後北折

道之則廣通寺門尚不之入稍左天仙廟為曆中永寧

宮端嬪周氏生惠王恣疹禱之驗見碑記而廟祝旌萬
曆字不知漢唐諸刻正朔何以象不磨也遂顧陳木菴
慙其下第

丙戌

九月丁亥朔午通大宗仁寺值曹太常同閱書畫有
先帝有書雨水夾明鏡雙楸落彩虹字通逸大隄五寸太
常市之未果晚飲葡萄酒下

戊子

己丑辰刻

庚寅

辛卯陰

壬辰昧爽雨午陰始寒

癸巳晴

甲午舍華王千戶携酒小飲

乙未訪武功雅大理粵濟遠不值昨日見枉故報之

丙申適吳太史昨曹太常襲總憲以九日招周子儼等

登慈仁寺瓦虛閣分韻賦詩子儼擬次四首太史曰人

雖有才決不可恃且遲速難強與會勃發觀如覩牆意

氣非不盛也而寒窓下有宿儒老生絕不相關執指吾

字句曰某字誤某字劣則大事去矣今人看唐詩豈今

人才勝于唐耶直意見勝之也又曰作詩雖不得俗不

得

丁酉早晤崔大理初疑其旨則過聽曹太常之言也是

日寄家報

戊戌過曹太常同飲

己亥 庚子

辛丑過天慶寺報湯溪孫孝廉楚卿之秀不值天慶寺

宣德末傳達菴建在過樂王廟先朝武清侯李誠銘建

期望祿者肩接時多前惜下品且相此訪无祿不值紀

徒罵久矣

壬寅連燠大似江南

癸卯晚會周子儼值華亭張青珮

甲辰

乙巳晡刻聞霍大鯉見枉遂先之語李自成陷西安事

甚悉別有記

丙午旦微雨霍大鯉徹余近錄手致之又語遺事一二

則

丁未陰霍大鯉示黃石齋先生秘錄二表夜雨

戊申雨始寒

己酉陰

庚戌夜向山雪

辛亥晴恒風夜始冰

壬子 癸丑 甲寅 乙卯

丙辰錄黃石齋秘稿後以誅霍大理語久之

十月丁巳朔陳木菴來云吾邑登榜者云人夜聞鄰婦哭聲蓋燕孤薦止焚柩衣雖連歲不輟聲云送果具謂之鬼節

戊午觀書于市向河城下之柳黃矣

己未通陳木菴值西安蔣伯決鴻臚長安客話古佛菴黎民表隸書銅佛一脩三尺鑄大唐貞觀年尉遲敬

德監造巷距宣武門二里今陳氏寓焉以問傳人不能對或名偶同耳

庚申過太和堂吳氏值武進龔進之問以宋明之末武進并出狀元果否曰宋末狀元蔣重珍家新塘距郡城八十里先是崇寧二年狀元霍端友居之重珍微時折梅于此成株後治宅曰紅梅堂今明末楊狀元冰如廷鑑即其地凡浚河魏科輒有驗按一統志霍端友忤蔡京以吏部侍郎致仕贈少師有內制三十卷蔣重珍仲舒無錫人嘉定中進士第一官刑部侍郎卒諡忠義新塘在太湖大椒山旁距無錫四十里則蔣仲舒藉無

錫在今地則武進也五月朔又獻通攷宋寧宗嘉定十六年

進士及第出身
有差非宋末

辛酉陰

壬戌

癸亥恒風而寒

甲子 乙丑

丙寅晚同胡伯禹飲時別朱太史遂錢塘

丁卯

戊辰懼大理招飲同蒲城令城武田秋海豐今秀水項
詒大理益任曹縣言劉澤清事為詳是日余攬揆之辰

己巳 庚午

辛未望以家門卜正陽門之闕廟午游大慈仁寺

壬申大風始寒

癸酉適吳太史所時除侍讀

甲戌

乙亥偶市飲晚聽箏伎色藝俱下

丙子 丁丑 戊寅

己卯得邑人徐公偉君書公偉令安義無涉俗才致下

請室遣伴告急于計相陳氏兼東我饋之嗚咽夜夢公

偉拜而泣

庚辰告未太史以安義令狀他無望或便于索贖冥報
可也太史慨致南昌張司理書余日附徐使以家問
辛巳過周子儼

壬午 癸未

甲申早訪金華葉山公

乙酉陰夜大風拜日

丙戌衝寒過葉山公未離枕也亟披衣起其鄰周德潤
澤故嘉定侯之孫官錦衣監駙馬都尉王昂孫女年十
七遭亂貧甚概一室余問遺事故屢過山公值之緜袍
不備有寒色其人拙訥語少頃遽去頗自乞火行汲見

之心惻台平種水未為非幸也山公贊酒二升乃別
十一月丁亥朔

戊子家報以郵至差自慰

己丑 庚寅 辛卯

壬辰報謁余氏出萊市方論日八人迂避之

癸巳

甲午晚會雅大理語及少時有庫息熊來募者立門下
乞少末遽去雖猛獸既剖有人性

乙未

丙申夜大風

丁酉周子椒寓張氏通之子椒所善嘉定侯氏叙其家
難惜甚

戊戌 己亥

庚子是日朱太常晉少詹事無原官如故

辛丑 壬寅 癸卯

甲辰寄朱義儒書時游涇陽以閩中多名家遺刻冀得
一二也

乙巳 丙午 丁未 戊申 己酉

庚戌前借權大理閣書閱訖歸江蘇客嚴氏故游諸撤
侯云襄城伯李國禎任京營甲申三月都城陷賊劉友

乙曰君侯散重兵以誅此元功也行寇諸臣之右矣
同留其營嘗同食寢一日縱誅今檢察目盡錄其家園
積敗時跨馬回如死灰其舅金華潘某退曰吾甥事至
此不即死尚何待乎此嚴氏目覩者今刻本稱國禎求
葬先帝劉誠意孔昭上章以明之其說不知何所始
也

年考早微雪過霍大鯉示所卷西事及王漢陂九思集
壬子過吳太史所太史近作王郎曲吳人王稼本徐勿
齋歎兒也亂後隸巡撫土國賢恬勢自恣國寶死逃入
燕今再至年三十而江南為紳好其音不衰猶太史作

王郎曲王郎十五吳趨坊窺額青絲白皙長孝穆園亭
嘗置酒風流前輩醉人狂同伴李生柘枝鼓結束新翻
善財舞鎖骨觀音發現身反腰貼地蓮花吐蓮花婀娜
不禁風一斛珠傾宛轉中此際可憐明月夜此時脆管
出簾櫳王郎水調歌緩、新鶯啼嚙花枝暖慣拋斜袖
卸長肩眼者欲化愁應懶摧藏掩抑未分明拍數移未
發曼聲最是轉喉偷入破殢人腸斷臉波橫十年芳草
長洲綠主人池館惟喬木王郎三十長安城老大傷心
故園曲誰知顏色更美好瞳神剪水清如玉五陵俠少
豪華子甘心欲為王郎死寧失尚書期恐見王郎遶寧

犯金吾夜難得王郎暇坐中莫禁狂呼客王郎一聲
頓息移床教坐看王郎却似與郎不相識往昔京師推
小宋外戚田家舊供奉只今重聽王郎歌不須再犯昭
文痛時世正彈白翎雀婆羅門舞龜茲樂禁園子弟愛
纏頭請事王郎教絃索日向王門作伎兒博徒酒伴貧
歡誰君不見康昆崙黃幡綈承恩白首華清閣古來絕
藝當通都盛名肯放優閑多王郎王郎可奈何先是太
史善病每強坐暗對今病良已詩繪自娛目日文詞一
道今人第辨雅俗似矣然有用一語似雅實俗有出于
俗而實雅未易辨也先儒講通學嘗淺視之就其所擇

著往往文人所未逮者理徹則不須辭而傳也余聞之
瞿然有省往劉念臺先生志未總督熒元墓迥出上虞
倪鴻寶神道碑上以雕繪不如蒼老也又吳太史王郎
曲放合肥龔孝升口占贈之曰薊苑霜高舞柘枝當年
垂柳尚如絲酒闌却唱梅郎曲腸斷王郎十五時

壬子

癸丑陰往崇文門訪嚴氏問以道事不值

甲寅

乙卯寒少減

十二月丙辰朔閏歲內屢雪山東至厚二三尺

丁巳 戊午

已未飲朱氏所往遂衝寒酒不足禦也

庚申

身自道霍大理不知其誕辰也以遂書故竟退時曹秋
整進右通政久矣適遇朱太史邀晤曹通政曰往年李
山人 家得足之新城善數學叩之所言出處俱驗
又揚州僧德宗嘗一見問目後當三會果然又平湖馬
覲揚 錢君銓 同計偕訪德宗時詞林某同坐
德宗語覲揚曰居士此行當如某英語君銓曰居士得
毋憂北堂乎北堂疾良已數日且得報其安行二公同

年也錢問歷職日官終按察司後并登第烏館選錢知
連江赴任縣治燬寫公館偶見舊額則按察司也大不
憚辛烏其奇中如此又日頃在銀臺保定人某自稱山
林隱逸上章內陳長生不死之方余聞之不覺失咲唐
人驅車策馬以應不求間遠科良不虛矣

壬戌早飲朱氏所是日朱太史誕辰采詞戲徵伎樂俱

下里禱齒也

癸亥過靈宮始市

甲子 乙丑 丙寅 丁卯 戊辰 己巳 庚午

幸未借書通政續文獻通攷不值過吳太史所云往時

大興孫清隱 有尚節畫山水人物追踪古人亡子甲
申遭亂餒死其畫多傳太史題其洗象圖

壬申

癸酉大風是日禁屠宰放百官休沐至明年正月三日
甲戌訪邑人查英耒始悉吾鄉近狀是日仍令各官視
事開禁屠

乙亥仍禁屠宰休沐百官

丙子 丁丑

戊寅宋太史徙宅先是僦石侍講仲之居今市宅亦同
卷余暫留

己卯赴新定

庚辰 辛巳

壬午朱義儒至自涇陽

癸未沈叔明至自金華叔明日十月凍舟吳門冰厚三寸有奇各舟募壯夫以輕舟先之斷冰日行三四里先是查莫來日自通灣凍至嘉興余不以為然蓋去冬北方最寒江南不聞凍今北方寒差減何江南甚之也如叔明言天道南異余髮種一臘月始冰于十月末之前聞也叔明又曰十一月二十六日通曰洋河有度冰堅頗壻從十八人全陷焉是日辭吳太史白金英綿之餉

癸未過陳木菴所值建陽馬肇敏揚明語近事我馬丁

孝廉震生爾發同夜飲頗甚

甲申是日立春吳太史使者三至勉受之司城錢塘宋

俊伯時英嗣酒吾邑沈仲嘉日身以家問未夜大風

乙酉午訪沈仲嘉語鄉曲甚悉夜宋俊伯丁震生輩劇

飲